



De Gääschd am Raawefels.

Am Raawefels, am Raawefels,
Do isses nedd geheier;
Do reehd e Gääschd sich im Gehelz
Umgebb vun lauder Feier.
Seiⁿ Robb er unnerm Aarem draahd,
So dhud er uffem Felse
Midd lange Schridd un bolzegrad
Vun zwelf biß ähns rumschdelze.

Wann se im „Schdern“ devun geredd,
Do blaz ich faschd vor Lache.
Ich glaab an so e Uⁿsinn nedd
Un gebb nix for die Sache.
Do hadds sichs grad emool gemacht,
Ich kumm vum Weiⁿeiⁿkaafe,
Am Raawefels um Middernachd
Muschd ich vorriwwerlaafe.

Die Geldkatz um de Leib geschnallt,
De wollne Wammes drimwer,
So geh ich alsford durch de Wald,
Guff rimwer nedd noch nimwer.
Doch, eh ich's recht versieh mich hann —
Bum Kerchturm schlaahd's grad zwelfe —
Hann ich am Raawefels geschdann,
O weh, wer werdd mer helfe?

Richtig! Wie se 's im „Schdern“ gesaahd,
Do gehd aah schun meiⁿ Alder
Midd lange Schridd un holzegrad,
Un unnerm Aarem hald er
Seiⁿ Robb als wie e Reggelscheib —
De Mond dhut gress grad scheine —
Vor Lache hald de Gääschd seiⁿ Leib
Un ruft dann: „Alle Meine!“

„He, Bedder! kumm un spiel mol midd
Do uff die Danneworzele,
Achding! Ich ziel uff hunnerd Schridd
Un alle keine borzele.“
's is beschd, denk ich, wann 'd alles dhuschd
Un dich net lang dhuschd schdemme.

Näⁿ Freind, freischd do de Gääschd, du muscht
Deiⁿ Robb zum Keggel nemme.

Guff so! Un domidd löst er jезд
Seiⁿ Robb do anne rolle.
Siehschd, wann de richdig uffgesezd,
Gehd schäⁿ se in die Bolle.
De Robb rollt wie die Kuggel naus,
Machd Hibbs un Krabiole
Un aus de Hehle gucken raus
Die Ah' wie glierige Rohle.

Do hann ich Sich vor Angschd un Schregg
Mich nimmi halle kenne,
Ich fiehl nor ähnes: Nix wie wegg!
Un dhu dem Robb nohrenne.
Der rollt als ford, un ich renn midd,
Doch wie uff siuwe Schdelze
Dichd hinnig uns midd lange Schridd
De Gääschd vum Raamefelse.

De Rech enunner un immer die Wiff'
Biß an de Niehlegraawe.
Ich fiehls wie hinnig mer er iß,
Jезд muß ich doch draⁿ glaawe.

Un wie e Schlagg un wie e Schdurm
Will mer's die Glirrer lähme,
Do schlaahd e ähns vum Kerchedurm,
Un ich fahr aus mei"m Drääme.

Wo bin ich? Ich sitz vor mei"m Schobb,
Mei" Belztabb in de Linke.
Deß also war dem Gääschd sei" Robb,
Midd dem er mer dhut winke.
Friedhormjens beichd ich 's meiner Elsf',
Die guckt mich a" un lächeld:
„So gehd 's, wann uff 'm Raawefels
Mer Nachds midd Gääschder feggeld.“

